



Inzko se sastao sa Banom Ki-moonom i višim zvaničnicima SAD-a

Na sastanku koji je jučer kasno popodne imao sa generalnim tajnikom UN-a Banom Ki-moonom visoki predstavnik i posebni predstavnik EU Inzko je istaknuo nedavni pozitivan razvoj situacije koji se u Bosni i Hercegovini dogodio u sferi vanjske politike. Ključni primjer je mjesto BiH u Vijeću sigurnosti UN-a, što je veliko postignuće, dok drugi primjeri obuhvaćaju napredak ostvaren u pravcu liberaliziranja viznoga režima sa EU ili razvijanje odnosa sa NATO-om. Visoki predstavnik i posebni predstavnik EU je dodao da jako poboljšana atmosfera na Zapadnom Balkanu daje priliku svim zemljama u regionu da postignu brži i značajniji napredak – priliku koju ne treba propustiti.

“Istodobno, izgleda da su se politički jezik i logika unutar Bosne i Hercegovine u stvari pogorsali”, rekao je Inzko, što ima negativan utjecaj na sposobnost bosanskohercegovačkih lidera da postignu dogovore o reformama koje su ključne za europsku budućnost zemlje.

Visoki predstavnik i posebni predstavnik EU će danas u Washingtonu imati sastanke sa višim zvaničnicima u *State Departmentu* i Kongresu kako bi razgovarao o situaciji u BiH i izgledima za budućnost.

Visoki predstavnik i posebni predstavnik EU će kazati da kronično političko neslaganje postoji u vrijeme kada stopa nezaposlenosti nastavlja da raste, a životni standard pada, a dovelo je do toga da su vlasti provele premalo ključnih reformi.

Tom prilikom će također biti istaknuto da bi na ovogodišnjim izborima moglo doći do porasta broja mladih koji glasuju, te bi građani mogli imati mogućnost izabrati programe koji će najbolje odraziti legitimne težnje zemlje da budućnost nađe u EU.

Visoki predstavnik i posebni predstavnik EU istaknut će da je hitno potrebno poboljšati međunarodni ugled, koji

odražava članstvo BiH u Vijeću sigurnosti, pretočiti u stvarne političke i ekonomske koristi za građane Bosne i Hercegovine.